

TÍITOÓ

Tíító éllevu Páávoró cáátúnuháámi

Duurúvaju

¹ Oo Páávoró Píivyéébé ïcúve múnáajpi o íjcyabe íñe Jetsocríjtodítýú íjcyáné uwááboju úwááboobéré ó pehíjcyá díbyée tsúúca újcúmeke dítye ímíñeúvú iwáájácu téjijto meúraavyémé múijyú medsíjivéjúcóóítyúne bóhí meújcone.

² Tsá muurá Píivyéébe állíuutúne. Aabée téénevu meke iájcuíñé nées tsúúcajátújuco ííñujíikyée ípívyéévetúné ihdájucó. ³ Áané uwáábojúu mewáájácúíñe éévé úújetétsihvújuco muurá íñe meke díbye wáájácútsóné téénevu. Aane úwááboobéré ó pehíjcyá Mepájtyetétsoobée Píivyéébe oke néhdájucó. ⁴ Aabe íñe íhyaami ó caatúnú, uu, Tíító éllevu táuwááboríi Píivyéébeke u cáhcújtsónéllíi tájtsíiménédú uke o íjtsúcunúúbe éllevu. Aane ihdyu óvíi pámeeke ídaatsóllédú íjcyamútsí Mepájtyetétsoobe Jetsocríjtoma uke píaabó íbúwajíi u íjcyaki.

Cahcújtso múnáake Tíito píaabóne

⁵ Muuráhjáa uke 'Créétaá' némeíñe caapáhovu ó pícyoíñú tétsii íjcyácoomíjiri íjcyáné cahcújtso múnáake panévaturé u píaabóki. Áhdurée uke o nées díityemá túkevjtsootéké u méménuki.

⁶ Aame díitye túkevjtsojte íjcyáiyá panévaturé ímiááméré íñetú néétsámeítyúme. Tsáápíllekeré

táábávaiyóme. Áamej tsíímé cahcújtso múnaa íjcyáiyá cáánímudívú iñéétsótuki. ⁷ Muurá túkevajtsoobe páneere Píívyéébé icyánéjcu wákimyéí ejécunúhi. Áánéllii tééné wákimyéí méénume panévatúré ímiááméré íjcyáiyáhi. Tsá ditye ávyéjuuháñé lííñéítyuróne. Tsá ditye cááyóbáítyuróne. Tsá ditye líyíicyávéítyuróne. Tsá ditye átéréénéhjí hallúvú dsíídsíváítyuróne. ⁸ Keená ímiááné íjcyane Píívyéébe ímilléneréjuco ditye méénúiyóné íínevú táhjátsámeítyúme. Aame tsaímíyé íaahíve múnáake waatsúcúiyáhi. ⁹ Tsaímíyé ímiá uwááboju tsúuca iwáájacúné úráávyéiyóme. Áane úwáábóiyómé téénetu ímityúné íhjúvahíjcyámeke ímí diityéké tene íbúúúveki.

¹⁰ Muurá íjcyámé mítyame tamúnaa jodiómú ímiáájú úraavyéjúcoorómé úwáábohíjcyané míamúnaa kíhdyahírótsámeítyónetu. Áaneri íllure míamúnáake állihíjcyáme. ¹¹ Áánéllii múu diityéké bóijcyú téénetu. Múhdurá úwáábohíjcyámé tééné hallúvú idsíídsívakiye. Muurá pívájavá múnáakéjuco ditye mújtatsóné ímiájíjtó ditye úráávyénetu.

¹² Aanéhjáa muurá tétsíi múnáajpíyé uwááboobe néehíí: “Créeta múnaa ávyetá allíujte iyámédú néeme ovéhe múnaa íjcyame mítyane majchóhi.”

¹³ Ímiáánéjucóhjáa díbye nééneé. Áánéllii uke o néé íhnáhóónécoba tétsíi múnáake u úwáábo ditye ímíñéúvú Críjtoke icyáhjújtsoki. ¹⁴ Aame tsá íícuvéjúcúóityú átéréénéhjí íjtsaméityúré íújcune ditye úúbállehíjcyáneri. Áhdure tsá ditye íícúvéityú

ímiájíjtó úraavyéjúcootúmé diityéké tsíñejcúvúré túkévéjtsóneri.

15 Muurá cahcújtso múnaa ímiáánéré íjtsámeíhi. Áánetu cáhcújtsotúmé tsá mújyú ímiááné íjtsámeítyuró ímityúnéré diityé íbúwari íjcyánéllíhíhe. 16 Tehdu néeme muurá bañúháñé nehíjcyá Píívyéébeke iwáájacúne. Árónáa múhdurá ditye ícyahíjcyánetu méwaajácú illure ditye állihíjcyáne. Aame ímityúmé íjcyame tsá mújyú ímiááné méénúityuróne.

2

Ímiá uwááboju

1 Áánetu ihdyu ímíñeúvú dihjyúvahíjcyá muhdú ímiá uwááboju néhduú. 2 Ááne dúwáábohíjcyá kéémemújuco íjcyáne nahbémuke ditye tsaííbuwáré íjcyáne pamévakéré iávyejúúlleki, ímityúnehjívú ditye ityáhjátsámeityuki, Críjtoke ditye ímí icyáhcuíjtsoki, ímityunéhjí íjcyaróné iáábúcúne ditye pamévamáyé iwájyújcatsíki. 3 Áhdure kéémemújuco íjcyáne naallémuke duwáábó pamévakéré iávyejúúlléne tsíjtyedítyú állíunéhjí ditye íihjyúvátuki. Áhdure tsá ditye líyícyávéityuróne. Ímiááneturé bóhówaúcunúiyóme. 4 Aame úwáábóiyá bádsíjcake muhdú múúne walle ájyúma iwájyújcatsíñe tsaímíyé ítsíimeke téhmene. 5 Úwáábóiyómé ímityunévú ditye ityáhjátsámeityuki, panévaturé ímiááméré ditye íjcyaki, tsaímíyé ihjya ditye ityéhmeki, tsíjtyeke hídaatsólléne ditye

ipíááboki, ájyumu túkévejsódú tsaímíyé ditye íjcyaki. Ehdu íjcyáiyómé Píívyéébé uwaábójutu múha ímityúné íhgyúvátuki.

⁶ Áhdure ováhtsámuke ímíñeúvú duwáábó ditye ímiááméré íjcyaki. ⁷ Ááne panévatúré ímiáábé diityémá diicya tehdu ditye íjcyaki. Tsá múu májchíjyuri díllotú diityéké iúwaabóne. ⁸ Tsaate úhdityu ímityúné íhgyúváneri díícúvedí ditye téeneri íñúcójpívéne tsiíñe íhgyuvájúcóótuki.

⁹ Téhdure idyé uke o nées tsaaté hójtsí pañe íjcyámeke u úwáabo ditye ímiááméré íjcyáne íavyéujte táuhbané imyéénuki. Tsá tene ímityú líííñetúré diityéké ditye áñújcúiyóne. ¹⁰ Tsá ditye nánítyuró diityé éhne. Panévatúré ímiááméré íjcyáiyá Mepájtyetétsoobe Píívyéébé uwaáboju diityédítýú íbóhówaúcunúki.

¹¹ Muuráhjáa meke íídaatsólléne iwájýumeke waajácútsoobe muhdú mepájtyetéíñe.

¹² Áánéllíi tsúúca méwaajácú páneere íjí ímityuháñe meíhvéjtsóne tsaímíyéjuco dííbyeke meuráavyéiyóné íínevú táhjátsámeítyúme.

¹³ Áhdure tsúúca méwaajácú ípyée íñéhdu íhtsútuube Mépiivyéébé Mepájtyetétsoobe Jetsocríjtó ííne ímíjyaú tsááiñe metéhmeíjcyáne. ¹⁴ Diíbyeé muurá dsíjívé mewájyuri mépée mewágóóóvéiyónetu meke ípájtyetétsooki. Ehdúu meke ímíjpyetétsoobe dííbyeéjté meíjcyame ímiááné meímílléne ímiááneréjuco meméénuki.

¹⁵ Ehdu múu úwaabó míamúnáake tsápíjtsoobére. Áhdure múu íhnáhóónécoba úwaabó múhdurá

ícyahíjcyámeke diityédívú táhjátsámeityuubére.

3

Muhdú múúne cahcújtso múnaa íjcyane

¹ Áhdure idyé duwáábó cahcújtso múnáake ditye pámeere ííñújí avyéjuktéké iávyejúúlléne muhdú ditye néhdu íjcyáne imyéénuhíjcyá ímiááneréjuco.

² Ááne ímiááméré íjcyáne mítyájkímyeityúmé miamúnáake ídaatsólléne ipiáábohíjcyaki. Aame tsá múhdityú ímityúné íhjuváiityúne.

³ Muuráhjáa tujkénú múhdurá menéénéllii tsá Píivyéébeke melléébohíjcyatúne. Idátsóhrée ímityúnéhacáa íjcyane páhduvaré nénehji pánehjídú imíwu meíjtsúcunúne méuráavyehíjcyáhi. Ehdúu ímityúnéhjí pañe meíjcyame tsíñéhjiri ménomiutáavahíjcyáhi. Áhdurée tsíjtyéhjima métsaríllécatsíhijcyáhi.

⁴ Áronáacáa Píivyéébe Mepájtyetétsoobe ímiááné pámeekéré miamúnáake iwáyyune úújetsó meke ipájtyetétsoneri.

⁵ Tsáháa íná ímiááné meméénúnéllii meke dibye pájtyetétsootúne. Mekée ídaatsóllénéllii pájtyetétsoobe Íapííchoj téeveri meke dibye ímíbajchomé béhné íjtsaméimáyéjuco meíjcyaki.

⁶⁻⁷ Teenée Íapííchó mépañévú pícyoobe Mepájtyetétsoobe Jetsocríjtoj téeveri ímiáámeréjuco meíjcyame mújyú medsíjivéjúcóóityúne bóhí meítsohíjcyáné meújcuki.

⁸ Aane éhniíñevu dúwáábohíjcyá Píivyéébeke cáhcujtsómé keená ímiááné íjcyanéré imyéénúíñeri

itsúúrámeíki. Ehdu íñe uke o néé pámeekéré píááboíñe. ⁹ Áánetu eene átéréenéhjí meke píáábóityúné muhdúhjáa méihdé múnáaúvú íhdéené taúhbáju úráávyehíjcyáneri ditye táhjácatsíhíjcyáneri díícúvedíñe. Íllure ténehji meke mújtatsóhi.

¹⁰ Áánéllii múu tsaate ténéhjiri táhjácatsíhajchíí bóijcyúrá míjyúúre. Aane ditye lléébótúhajchíí múu ílluréjuco íjchívyetsóné díityéké tsíjtyeke ditye imújtátsótuki. ¹¹ Muurá ehdu dáríívemeímyé tsáhájucó ímííletú ímí íjcyane. Aame waajácurá íhyallúvúré ímityúné imyéénune.

Tíítóke Páávoró túkévetsóne

¹² Aane díéllevu Tííkicyómá Atéémamútsidítú tsáápikye o wáalloobe úújetécooca íícúí oke dúhjetécó Nicóóporíyí o íjcyáábeke. Técomíyí úúníjyaba o pájtyeíñé ó wábyujtsóhi. ¹³ Áánetu ihdyu óví muhdú u píívyetédú ú píáabó Apóóromútsikye ímityúné múúne méénúmé hallúvú íhjúvaabe Tséénáma dityétsí kiávú ipyéhullévú péécoóca. ¹⁴ Aane ihdyu óví éhnée méuwaáabori cáhcujtsómé iwáájáne téhdure tsíjtyeke píáabó ímíáájú díityédítú íbóhówaúcunúki.

Páávoró pítyajcóne

¹⁵ Ahdícyane óví Píívyéébe pámeekéré ámúhakeye píáabóhi. Pámeere ménahbémú ílle íjcyame uke duurúváhi. Áhdure elle íjcyámeke o duurúváhi. Áyu tehdújuco.

Píivýéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

6f878dbd-e896-5e27-b788-1442926dfc48